

nir aux frais de l'entretien & entreprife de tous ces desseins. Le maistre du banquet qui nous enuoye pour inuiter & forcer nos estropiats, d'entrer dans la sale du festin, n'a que trop de puissance & de sageffe, pour nous maintenir & soustenir iusques au bout: & il n'est pas croyable qu'il nous vueille laisser en si beau chemin. Parmy tant de sainctes & genereuses ames, qui sont maintenant en France, qui semblēt n'auoir autre occupation, que de voir où & en quoy elles pourrōt employer, pour le seruice de Dieu & de leur Redēpteur; & par ce moyen s'affeurer ce peu de biēs de la terre, dont la mort ne leur fait que trop voir qu'ils n'en peuuent autrement auoir que l'vfufriict; quelle apparence [95] de desesperer de voir, deuant que de mourir, cette maison fixe de saincte Marie matrice de tous les Missionnaires; & chacune de ces sept Missions & celles encore qui suiuront, Dieu aidant, cy apres establies & fondées à perpetuité: particulierement n'estant question que de la nourriture & entretiē de deux ouuriers Euangeliques en chaque Mission. Ces Missions portēt des titres & des nōs assez capables de satisfaire à la deuotion de ceux qui en voudroient estre les Peres: mais si leur inclinatio les portoit à les nommer autrement, ie ne voy aucune loy qui les peūt empescher d'en estre tout ensemble & les peres & les parains, Le sainct Esprit au sainct iour de la descente duquel ie ferme cette Relation, fera le maistre & le conducteur de cette affaire; laquelle aussi bien que toutes les autres qui regardent ces contrées, ie ne puis assez recommander aux SS. prieres & deuotions de ceux qui en auront quelque cognoissance.